

Anthrax



Anthrax yog dabtsi?

Muaj neeg phem tau siv anthrax mus lom neeg. Nws yog ib yam kabmob phem. Nws tsis kis; koj yuav **tsis** kis mob los ntawm ib tus tibneeg uas mob anthrax.

Koj kis tau anthrax licas?

Nws muaj 3 txoj kev uas koj muaj cuabkav yuav kis tau anthrax:

- Nws nkag ntawm qhov nqaij lossis tawv to mus.
- Koj nqus tau anthrax ntawm tej huabcua mus rau hauv lub cev.
- Noj tau tej zaubmov uas muaj anthrax.

Anthrax mob heev npaum licas?

Cov tibneeg feem coob (99%) uas ntxov mus kho cov anthrax uas nkag ntawm daim tawv mus puavleej ciaj. Yog tsis mus kho, 20% yuav tuag.




Nqus tau anthrax mus rau hauv lub cev mas mob heev dua. Txog li ib nrab ntawm cov tibneeg uas nqus tau anthrax mus rau hauv lub cev yuav raug tuag.

Tsawg zaum, kuj cia li pom muaj anthrax xeeb rau ntawm tej nqaij noj. Nws yuav muaj txog li 25% - 50% tus ntawm cov tibneeg uas noj tau cov nqaij muaj anthrax no tuag. Neeg phem muab tau anthrax npheet rau cov zaubmov kom cov tibneeg uas noj tau ntawd tuag.

Nws mob licas?

Cov anthrax uas nkag ntawm daim tawv mus ua rau muaj tej cov pob me me, khaus khaus (feem ntau



nyob ntawm ntsejmuag, ob txhais tes lossis cajnpab) uas dhau mus ua hlwv. Lub hlwv dhau mus ua ib lub qhov nqaij to uas muaj ib qhov dub dub nyob hauv plawv.

Yog tias koj **nqus tau anthrax mus rau hauv lub cev**, thaum xubthawj mas koj mloog zoo li koj raug khaub-thuas lossis ua npaws, tabsis tsis los ntswg li. Tej zaum koj yuav mob cajpas, ua daus-no thiab mob ibce, ntxiv mus koj yuav hnoos, uas tsis taus pa, mob hauv-siab, thiab nkees.

Cov nqaij uas muaj anthrax yuav ua rau koj xeev ntuav, tsis qab-los, thoj-plab ntshav, ua npaws, thiab mob plab.

Thaum twg mam pib mob?

Rau 3 yam anthrax tibs, nws yuav pib mob li 7 hnuv tomqab uas nws nkag tau rau hauv koj lub cev.

Yog koj nqus tau anthrax mus rau hauv koj lub cev, tej zaum nws yuav pib mob li tomqab ib lub limtiam, lossis tej zaum yuav tsis mob txog li ib lub hlis tomqab.

Luag yuav xuas anthrax lom yus licas?

Feem ntau raws li pom muaj yav tas los, anthrax yog ib cov hmoov dawb dawb. Yog tias koj pom muaj cov hmoov dawb dawb hauv koj cov ntawv uas luag xa tuaj lossis lwm qhov chaw uas koj tsis paub tias xyov nws yog dabtsi, ua raws li cov kaujruam no:

- Tsis txhob kov lossis hnia cov hmoov ntawd.
- Qhia kom lwm tus tsis txhob mus ze rau cov hmoov ntawd.
- Ntxuav koj ob txhais tes.
- Hu rau lub chaw tua hluavtaws lossis tub ceevxwm hauv koj lub zos.

Yog tias kuv xav tias kuv raug anthrax lawm nev?

Hu rau koj tus kws khomob lossis lub tsev khomob **tamsid**.



Lug puas muaj yam tshuaj tivthaiv rau yam kabmob no?

Muaj, tabsis luag tsuas muaj txaus los txhaj rau cov tibneeg uas raug anthrax lawm xwb thiab rau cov tibneeg uas ua tej txoj haujlwm uas muaj feem ntau yuav raug, xwsli cov tubrog thiab cov neeg ua haujlwm rau hauv lub chaw tshawb nrhiav kabmob xwb.

Yog xav tau kev qhia ntxiv...

Hu rau CDC mus nrhiav kev pab ua lus Askiv:
800-CDC-INFO (800-232-4636)
888-232-6348 (TTY)

Lossis mus xyuas: www.cdc.gov/anthrax
www.dhs.ca.gov/epo